

1879ին ժառ. վարժ.ի դռնապան: Կը վախճանի 1889ին: Ս. Յակոբի վանքին յիշատակ կը թողու մթերանոց մը Յոպպէի մէջ. (Արձնգր. Տն. Ժողովի, նիստ կթ. 1889. էջ 266 և 272):

ՅԱԿՈՅ (ՄՀՏ.) ԱՄՈՒՃԱՅ ՀԱԼԷՊՅԻ.— Հայրը Կարապետ, մայրը Մհտ. Կասար. յիշատակարան մը կը գրէ մհտ. Յակոբ Ամուճային համար. «որ է հաւատարիմ պաշտօնատար և միաբան ի դուռն Ս. Յակոբայ մեծի աթոռոյն ի Ս. Սաղիմ.»: Մհտ. Յակոբ իր ծախքով տպագրել տուած է Սարգիս գիրքը. Իգնատիոս վրդ.ի Մեկն. Ս. Աւետարանին՝ որ ըստ Ղուկասու գործը 1735ին, և Յաճախապատմը 1737ին. նոյն գիրքերու յիշատակարաններուն համաձայն: Իր ծախքով շինել տուած է նաև Լաթաքիոյ հոգեւորը 1755ին, Ս. Յակոբի վանքին դարպասունը, որուն յիշատակին 1843ին խաչքար մը կը հաստատուի արձանագրութեամբ: Նոյն երկու շինութիւններուն յիշատակարանները նոյնութեամբ կը գնենք հոս.

«Այս հոգեւորնս արար յիշատակ իւր արհեստի վաստակէն վասն հոգւոյ իւրոյ և ծնողաց հոգւոյն. որ է ծննդեամբ Հալէպցի և սննդեամբ Պոլսեցի. արհեստիւ սէտէֆճի Յակոբ Ամուճայ կոչեցեալ. սուրբ Յակոբայ միաբան. և վայելողքք ասացէք Աստուած ողորմի. ամէն. ի թուին ՌիճԳ (= 1755). ամէն»:

Բ. «Կանգնեցաւ սբ. խաչս բարեխօս առ Աստուած վասն հոգւոյ Սէտէֆճի միաբան Յակոբ Ամուճայի և ծնողաց որոյ արդեամբ շինեցաւ յարկս գեղեցիկ ի թվին ՌՄՂԲ (= 1843) յիշատակ»

ՅԱԿՈՅ (ՄՀՏ.) ԱՇԸՔԵԱՆ, ԹԱԼԱՍՅԻ.— Հաստատուած Աղեքսանդրիոյ մէջ (1819—1887): Բազմիցս այցելած է Ս. Յակոբի վանքը ուխտաւորութեամբ և կատարած է նուիրատուութիւններ: 1866ի իր այցելութեան՝ Ս. Յակոբի տպարանին նըուիրած է երկաթէ մեծ մամուլ մը. (Սիօն, 1867, էջ 15, Ակնակ, էջ 46):

Ս. Յակոբի տպարանը կը գտնուէր վանքին հիւսիս արևելեան կողմը քանի մը սենեակներ պարունակող թաղի մը մէջ, որ զուրկ էր կարևոր յարմարութիւններէ՝ Եսայի պարք. նիւթական միջոցներու անբաւականութեան հետևանքով փոխանակ նոր տպարան մը կառուցանելու, Ս. Յակոբի տաճարին հարա-